



UKA 2018/57
13. november 2018
Aqqaluk Heilmann

Inunnik perulunnertik aamma ikiorneqarsinnaajunnaarnertik pissutigalugu toquinnarusullutik kissaateqartunut ikiuineq naalagaaffittut qanoq isummerfigissallugu kissaateqarnersugut pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Randi Vestergaard Evaldsen, Demokraatit)

Siullermik qujavugut siunnersuuteqartumut.

Oqallisigisassaq nalilersugassarlu imaannaanngitsuvoq, taamaattumik Atassummiit isumaqarpugut siunertaq aaliagiunneqarsimassappat nakorsat inuup nammineq aaliagiussaanic allatut ajornartumik eqqisserusunneranic ikiuisinnaanngorlugit aaqqiisoqassappat, tamanna inuiaqatigiit kalaallit taasissutigisariaqaraat.

Ilaanni inoqartarpoq nappaatit allatigulluunniit ajutoornerit pissutaallutik peqqinnissaqarfinni inuup anersaartuutaata qamiinnarneqartarneri ikiorfeerutivikkaagata.

Ilaatigut inoqatinnguagut nappaatinit sakkortuumik eqqorneqarnermikkut timi nugullariartornerani inuunerup sinnerani naalliullutik erloqillutillu atulertarpaat, allaat eqqissinissartik erinigerpaaffimmini, toqqassagaluarpaq inuunini tamaanga unitsikkumallugu

Naluneq ajorpaat nakorsaniit ikiorneqarsinnaajunnaaraagamik tullinnguuttartuq timip sapileriarternissaa, malittaani naalliunnerujussuit inuit ilaannit atornerpaaffimmini.

Ilaqartarput nakorsatinik inuunertik sivitsorsarneqarnissanic naaggaartunik, tassa eqqissinissaq piaarnerusumik kissaatiginerani aaliagiussisimasunit.

Taamatut aqquusaagaqarnikuunngitsunut paasiuminaatsissinnaagaluartuq takorloorsinnaavarput, inoqatinnguarpuk ikiorfeerussimalluni nakorsaniit nalunaarfigitissimasup ulluni naalliulluni atugaqalernermini, anniarujussuartaarnermini, timimi aseroriartornerani erloqinerpaaffimmini, toqqassagaluarpaq inuunini tamaanga unitsikkumallugu

Taassumami nalunngereerpaa toqumut ingerlaarnini ullullu ilaani toqup angujumaaraani, taamaattumik eqqissinissani kissaatigissappagu paasinarsinnaavoq.

Inuit toqqaasinnaalissappata nakorsat aatsaat akuersineratigut, ilaqutaasullu aamma isumasiorluarsimanissaat tamanna pisinnaasariaqarpoq, nunat allat misilittagaat ilinniarfusinnaalluarput aamma, tamannalu atulissappat isumaqarpugut inuiaqatigiit taasitinneqartariaqartut. Tunngaviummik isummernertut inissisimassagami.